

Сийрат дарслари (223-дарс) Зулмдан сақланиш



19:00 / 25.03.2023 1676

868. Жундаб ибн Абдуллоҳ розияллоҳу анҳудан ривоят қилинади:

«Расулуллоҳ соллаллоҳу алайҳи васаллам айтдилар: **«Ким мақтанишини ёйса, Аллоҳ унинг шармандалигини ёяди. Ким риёкорлик қилса, Аллоҳ унинг риёкорлигини ошкор қиласди».**

Бухорий ва Муслим ривоят қилишган.

869. Анас ибн Молик розияллоҳу анҳудан ривоят қилинади:

«Сизлар бир ишларни қиласизлар ва улар кўзингизга қилчалик ҳам кўринмайди. Биз эса, Набий соллаллоҳу алайҳи васалламнинг даврларида уларни ҳалокатга элтувчилардан ҳисоблар эдик».

Бухорий ривоят қилган.

870. Жобир ибн Абдуллоҳ розияллоҳу анҳумодан ривоят қилинади:

«Расулуллоҳ соллаллоҳу алайҳи васаллам: **«Зулмдан қўрқинглар, чунки зулм Қиёмат кунининг зулматларидандир. Ўта баҳилликдан қўрқинглар, чунки ўта баҳиллик сиздан олдингиларни ҳалок қилган, уларни қонларини тўкишга ва ҳаром қилинган нарсаларини ҳалол санашга олиб борган»**, дедилар».

Муслим ривоят қилған.

871. Иёз ибн Ҳимор розияллоҳу анҳудан ривоят қилинади:

«Расулуллоҳ соллаллоҳу алайҳи васаллам айтдилар: «**Аллоҳ менга: «Тавозуъ қилинглар, то бирор бирорга тажовуз қилмасин ва бирор бирордан фахрланмасин»**, деди».

Муслим ва Абу Довуд ривоят қилишган.

872. Абдуллоҳ ибн Амр ибн Ос розияллоҳу анҳумодан ривоят қилинади:

«Расулуллоҳ соллаллоҳу алайҳи васаллам: «**Енглар, ичинглар, кийинглар ва садақа қилинглар, исроф ва мутакаббирлик бўлмаса бас**», дедилар».

Насоий ва Ибн Можа ривоят қилишган.

«Расулуллоҳ соллаллоҳу алайҳи васаллам» китобидан

Ушбу китоб Ўзбекистон Республикаси Дин ишлари бўйича қўмитанинг 2022 йил 30 ноябрдаги 03-07/9078-рақамли хulosаси асосида чоп этилган.